



UNIVERSITÄTS-
BIBLIOTHEK
PADERBORN

Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

88. Hugo Castellanus Gandensis, & vxor eius Maria, an. 1243. ad vsum ecclesiae Antuerpiensis, suos seruilis conditionis in VVasia homines manumittunt, sub annuo censo capitali.

urn:nbn:de:hbz:466:1-10903

nec illud in aliquo reuocabo in perpetuum vilo modo.

Et quantum ad donum & legatum prædictum, ipsum Comitem, maritum meum, & reuerendum patrem Robertum Episcopum Beluacensem, & carissimum consanguineum meum dominum MATTHÆVM de Tria constituo executores meos.

Volo etiam & statuo, quòd supra dicta omnia & quodlibet de prædictis, ita firma & stabilia perseuerent, quòd per aliquod testamentum meum vel per aliquam voluntatem meam, quæ huc vsque fecerim vel faciam in futurum, in scriptis vel sine scriptis, nullatenus reuocentur

Omnia autem supradicta & singula promisi, & promitto me firmiter seruaturam, & contra in aliquo non venturam in posterum

GVALTERVS de Castellione, & ego IOANNA eius vxor, quorum sigilla inferiùs sunt appensa, approbamus, volumus & concedimus, & promissimus & promittimus Comiti Boloniæ supradicto, quòd contra prædicta vel aliquod prædictorum nullo vmquam tempore veniemus

1241. Actum anno millesimo ducentesimo quadragesimo primo, mense Martio.

NOTATIO.

Vasconcellus in Historia Regum Lusitaniæ, Quercetanus in Historia Castellionæ, & alij rerum Gallicarum scriptores de his rebus fusè tractant. Ceterùm Machtildis fuit filia Eustathij illo nomine quarti Comitis Boloniensis, & obiit sine prole.

CAPVT LXXXVIII.

Hugo Castellanus Gandensis, & vxor eius Maria, ann. 1243. ad usum ecclesie Antuerpiensis, suos seruilis conditionis in VVassia homines manumittunt, sub annuo censu capitali.

EGO HUGO Castellanus Gandensis, & MARIA vxor mea, notum facimus vniuersis litteras has visuris, quòd nos ad ecclesiam S. Mariæ in Antverpia personaliter accedentes, diuinæ pietatis intuitu, ac in remissionem peccatorum nostrorum, per sententiam hominum

hominum nostrorum, & cum debita solennitate, ad usum eiusdem ecclesiæ, perpetuò manumissimus homines nostros de Wasia, seruili conditione nobis addictos (quorum nomina sunt inferiùs adnotata) cum omni posteritate ipsorum, tam præsentem quàm futuram, absoluentes eos ab omni seruili conditione, qua nobis tenebantur adstricti.

Manumissi autem singuli, in præsentia nostra, obtulerunt semet ipsos dictæ ecclesiæ, cum omni posteritate sua, ad duos denarios Flandrenses soluendos annuatim in Assumptione B. Mariæ, nomine census capitalis; & quando nubunt sex denarios Flandrenses, duodecim verò quando moriuntur. Testes,

Dominus Ioannes de Gandauo, miles,
Sigerus frater noster, Colinus de Varendonc,
Ægidius Bhuc, Balduinus de Spoiden,
Sigerus de Roeden, Homines nostri,
Ioannes Egulphi, Ioannes de Ordren,
Folpertus Cantor, Nicolaus de Molendino,
Godescalcus Canonicus, Sacerdotes,
Magistri, Henricus Noze, Nicolaus Canonicus Diaconus,
Henricus de Bella, Nicolaus Romanus, Canonicus subdiaconus,
& quàm plures alij, tam clerici quàm laici.

In testimonium præmissorum contulimus litteras nostras tam ecclesiæ quàm manumissis supradictis, appensione sigilli nostri roboratas.

Actum Antverpiæ in ecclesia B. Mariæ, anno Domini millesimo ducentesimo quadagesimo tertio, IV. Kal. Iunij.

1243.

Nomina manumissorum sunt hæc.

In MELSELE Willelmus, Ioannes, Theodericus, Elisabeth de Drishe, fratres & soror. Walterus Calevart de Beke. Helevvigis, Gertrudis, Margareta, sorores eius. Magtildis filia Helevvigis. Filij sororis Calevart, Willelmus, Ghiselbertus, Lisana. Helevvigis de Drisce: filij eius Rodolphus, Sigerus, Ioannes, Gertrudis, Adalifia. Arnoldus Sceue, Magtildis soror eius, Sigerus de Rode, Margareta: filij filia Margareta Soeiman, Henricus, Ebin & sorores. Onulphus, Margareta, Helevvigis, Clementia, sorores. Sigerus Margareta filius. Maria, Magtildis, filia Margarete, Gertrudis, Beatrix, filia Hamers.

D d d 3

Et

Et in SVINDRECHT Willelmus, Michael, Sigerus de Molendino, Eliana eorum soror, Sigerus, Henricus, Balduinus, filij Geilæ de Scotsele, Margareta eiusdem filia, Walterus de Piro, Bernart, Arnoldus fratres.

In CRVDREKE Amelbergis, & ipsius filij. In VRASENEN Adelisa cum sua posteritate, Balduinus, Gerlindus filius Margaretae, Helevvidis, Geila, sorores eius. Adalifa Gocelini Sceuels filia. Helevvigis ultra Acker, Henricus & Balduinus.

Isti à Castellano Gandensi manumissi se obtulerunt ecclesiae B. Mariae in Antverpia, Sigerus Wade, Balduinus, Willelmus, fratres filij sororum eius.

N O T A T I O.

HUGO Castellanus Gandensis fratrem habuit VILLANVM, dominum de Bornhem: à quo stirpem suam trahit Gandavia Villanorum familia, quæ Comitatum Isegemij, aliaque prædia plurima etiamnum in Flandria possidet, vulgò *Villain diët de Gant*.

Idem Hugo uxorem duxit MARIAM, filiam Rasonis de Gauere, dicti de Lidekercke, & ex ea vnicam filiam sustulit MARIAM, Castellaniæ Gandensis heredem, Gerardo domino de Sottegem nuptam.

Gerardi Sottegemij & Mariæ Gandaviæ filius HUGO, Castellanus Gandensis, & dominus de Sottegem, filiam heredem reliquit ISABELLAM, quæ nupsit Hugoni domino de Antoin prope Tornacum.

Hugonis Antoniani & Isabellæ Sottegemix filia & heres ISABELLA, Castellana Gandensis, domina de Antoin & Sottegem, primùm nupsit Henrico à Louanio, post Alfonso de la Cerda, ex Regum Castellæ & Legionis familia oriundo; sed ex neutro prolem genuit. Tertio nupsit Ioanni de Melun: quæ familia, præter Principatum de Espinoy, hodieque Castellaniam Gandensem possidet. Isabellæ huius epitaphium hodieque legitur in Antonienfi Canoniorum basilica; quod Latinè ex Gallico redditum, sic sonat: Hic sita est Isabella domina de Antoin, Espinoy, Sottenghien, & Castellana Gandensis, olim vxor Henrici de Louanio, post Alfonso de Hispania, ac demum domini Ioannis Vicecomitis de Melun, Camerarij Franciæ, domini de Blangis: quæ domina obiit in festo S. Nicolai an. 1354.

CAPVT